

# Blockbuster

Nemo

Sie wei öppis ha, auso bieti öppis ah  
Sie wei no en Part, auso schribi no e Part  
Lueg i bi parat, lüt mer nume ah  
Schick mir doch es Mail, wenn wie wo was

I mache chli Rap, u di Schwiiz lost zue  
Du machsch echli Rap u di Schwiiz wot ruhe  
Währendem du dini fucking Beats no suechsch  
Sitz i i min Zimmer und Tip Tip Klick Klick Boom

Meh gseht mi viu  
Mau gross, mau chli, mau ruhig, mau wild  
Mau z'Bärn, mau z'Zürri mau zrügg in Bieu  
Ha kes Schwärt doch füler viles im Schild

Gang mi weg und grüess dä Erfolg  
Är cha cho wenner wot lug hie loufts  
Alles wird dunku, vor der Bühni ischs voll  
Vorhang uf und Willkomme zu der Show

Üses Läbe isch wie en Fium  
Und es spiut ke Rolle weli Rolle du spiusch  
Gniess dini Zit mit der Crew und de Friends  
Wiu sogar e Blockbuster chunnt mau zum Änd

Es git Momänt, ja die si wie es Lied  
I ha mi i tusig Melodie scho verliebt  
Halt sie fescht, lah nid los, schrieb sie uf  
Wär weiss weme se de wider brucht

I renne gradus  
Mängisch ghei i um  
Meishtens stani uf aber mängisch blibi dunge  
So mängisch hani gfunde  
"Das bringt doch aues nüt"  
Doch nur wüu i ids Schwitze chume löscht das no kes Ffür  
Wüu Das brönnt u wird heiss und die Gluet tribt mi a  
Mues irgend öppis schaffe jedi Wuche jede Tag

Schrib e Track mache Beat ider Nacht  
Und isch no nid Morge ja de blibi no wach  
Jedi Bühni isch es nöis Dihei  
Jede Uftritt isch e nöii Reis  
I ha mini Koffer packt  
U hoffe das i nüt vergässe ha faus' lenger geit

Gang mi weg und grüess dä Erfolg  
Är cha cho wenner wot lug hie loufts  
Alles wird dunku, vor der Bühni ischs voll  
Vorhang uf und Willkomme zu der Show

Üses Läbe isch wie en Fium  
Und es spiut ke Rolle welli Rolle du spiusch  
Gniess dini Zit mit der Crew und de Friends  
Wiu sogar e Blockbuster chunnt mau zum Änd

Üses Läbe isch wie en Fium

Und es spiut ke Rolle welli Rolle du spiusch  
Gniess dini Zit mit der Crew und de Friends  
Wiu sogar e Blockbuster chunnt mau zum Änd

Es git Momänt, ja die si wie es Lied  
I ha mi i tusig Melodie scho verliebt  
Halt sie fescht, lah nid los, schrieb sie uf  
Wär weiss weme se de wider brucht